



- **EDITORIAL • RÂL VÊNGTU**
- » **SYNOD EXECUTIVE COMMITTEE VAWI 298-NA A ȚHU**
- » **PRAISE ON 2022 ZAWH FEL A NI TA**
- » **SOCIAL FRONT-IN CEMENT MISTIRI TRAINING A BUATSAIH**

RNI 68092/83
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVII No. 12

E-mail: synodnews@gmail.com A man ₹1/-

DECEMBER 2022

LÂWRKHAWM

SYNOD BOOKROOM HAWNG

Synod Bookroom Headquarters building thar chu Rev. Dr. Vânlalngâka Râlte, Synod Moderator-in ni 24.11.2022 chhûn dâr 12:30 khân a hawng a. Hemi ni hian Synod Bookroom-a thil zawrhte chu 10%-a tihlâwm a ni.

FINANCE CAMPAIGN

November ni 19&20, 2022 khân Cachar Kahrawtah Accounts Training leh Finance Campaign neiin Upa Lalrosânga Kâwlni leh Pu J. Malsâwma, Synod Office-te an kal.

SL&PB KAL CHHUAHNA

Ni 13.11.2022 (Pathianni) chawhnu khân Vaivakâwn Kohhran Tleirâwl Chawhnu Inkhâwmah Literature Campaign neiin Pu Eric Lalnunmawia a kal a. Ni 14.11.2022 (Thawhtanni) zân khân KȚP, Bâwngkâwn Bethel Branch Literature Week hmanpuiin Tv. Zohmangaiha, Asst. Editor a kal bawk.

MSSU TRAINING

November ni 12&13, 2022 khân Khawlailung Dinthar Bialah Sunday School zirtirtu training pein Pu H.K. Hmingthanzuala, Asst. Co-ordinator leh MSSU Trainer te—Upa B. Hmingthanruala leh Upa Lalthanchhûnga-te an kal a. November ni 12&13 khân Haulawng Bialah Sunday School zirtirtu training pein MSSU Trainer-te — Upa H. Lalremruata, Upa K. Zoremsânga leh Upa C. Lalbiaksânga-te an kal bawk.

KOHRAN HMEICHHIA

November ni 12&13, 2022 khân Saitual Chhim Vêng Pastor Bialah Leadership Training leh Kristian Chhûngkaw Campaign neiin Pi Sailûti, Chairman leh Committee Member-te — Pi Hmangaihzaui, Pi Laldingliani leh Pi Zothansiami-te an kal.

SYNOD EXECUTIVE COMMITTEE VAWI 298-NA A ȚHU

Synod Executive Committee vawi 298-na chu November ni 8–10, 2022 chhûng khan Synod Office-a J.M. Lloyd Hall-ah a Țhu a. Aizawl khawpui chhûng ațangin member 44 leh Aizawl khawpui pâwn ațangin member 89, an vaiin member 133 an kal. SEC meeting hi Rev. Dr. Vânlalngâka Râlte, Synod Moderator-in a kaihrui a, Board leh Committee member inthlâk ngaite tihfel a ni a; Upa, inneihtir theihna kawltu thlâk/ruat an ni bawk. Synod Secretary leh Synod Finance Officer Report ngaihthlâk a ni bawk.

Tun Țum SEC-ah hian thurêl tûr 130 zet a awm a, chûng zînga a langsar zualdeute chu – Mixed Marriage Dân en fiah chungchâng te, Kristian nun kaihruaina inzirtir thar rawtna te, SBI-ATM Counter Synod Office-a hawn chungchâng te, Minister/Pastor thawk lai thi nupui fanau chhawmdâwna chungchâng te, Synod Relief rate en nawn rawtna te, Synod thlengtu puihna rate en nawn rawtna te, Contract hlawh category en nawn rawtna te, Pastor pension-te politics-a an inhman dân tûr kaihruaina te, Josefa Buhzêm kalpui dân tûr te, KȚP General Conference Diamond Jubilee lawm dîlna te, kohhran inpumkhatna chungchâng hma lâkna te, PCI General Assembly vawi 45-na thlengtu tûr ruat chungchâng te, Manipur Presbyterian Church enkawl zui dân tûr te, India Act East Policy zir chianna leh

rawtna te, kohhran inkhâwm leh inkhâwm dangte tihlêm dân ngaihtuah chungchâng te, Mizoram Christian College Master Plan chungchâng te, Kristian Chhûngkaw Short Film intihsiakna buatsaih dîlna te, Masihi Sangati din Țan hun tihchian rawtna te, Chakma Țawnga Holy Bible siam chungchâng te, Synod Press building sak chungchâng te, Synod Hospital kum 100-na (Centenary) puala project ruahmanna te, Sikulpuia A Pâwl leh B Pâwl hawn belh dîlna te, Synod hnuiaia department-ten Hruaina Eng Channel hman Țangkai chungchâng te, kum 2023 MLA inthlanpui atân Pastor Bial hrang hrangah Revival Speaker-te tirh chhuah rawtna te, Employees State Insurance Corporation (ESIC) zawm chungchâng te leh Pathian Biak Inkhâwm Hruaina Bu en Țat rawtna te a ni.

PRAISE ON 2022 ZAWH FEL A NI TA

Synfo leh Central KȚP Țang kawpin an buatsaih **Praise On 2022 Mal Zai Intihsiak** chu November ni 18, 2022 (Ningani) zân khân Mission Vêngthlang Kohhran Golden Jubilee Hall-ah zawh fel a ni ta a, pakhatna chu NI. Malsâwmdawngzuali, Tlângnuam West a ni.



Pahnihna chu NI. Lalramnunmawii, Durtlâng a ni a; pathumna chu NI. R. Lalnunluangi, Laipuitlâng a ni. 1-nain lâwmman ₹1,00,000/- leh Trophy, 2-nain ₹50,000/- leh Trophy, 3-nain ₹30,000/- leh Trophy an dawng a. Top Ten-a tlingten ₹7,000/- leh Thuziak an dawng Țeuh bawk.

Praise On 2022 Mal Zai Intihsiak hi Sept. 26, 2022 khân Țan a ni a, zone 6 – Kolasib, Lunglei, Mamit, Sêrchhîp, Champhai leh Aizâwlahte Elimination Round neih a ni a, chutah chuan Branch KȚP aiawh mi 379 an intihsiak a ni. Praise On Mal Zai Intihsiak hi kum 2016 khân a vawi khatna buatsaih a lo ni tawh a, chuta 1-na R. Lalrinmawii chu result puan zân hian a zai a ni.

SYNOD Newsletter

EDITORIAL STAFF

Rev. Lalbiaknia

Rev. V.L. Luaia Hranleh

Upa K. Lalnginglova

Zohmingliana Colney

Editorial 

KRISMAS – MI DANGTE TAN

Mizo Kristianten Krismas kan thlir dân hi hun nuam, zalên, hlimna lam hawi a ni tângpui. Kan hman tawh thin dân pawh kan phûr dân leh kan hlimna, nuam kan tih dânin hman kan tum a, chumiin a chawh chhuah chu – thawmhaw thar, thil thar neih, in leh hmunhma chei, zalên taka chêt chhuah, ruai theh leh ei ina hnianghnâr, zân rei pawh sawi lova rik luih luih, kan ngainat zâwngte hnêna present pêk, etc. Hêng thil hi a ti-Krismastuah kan rilru hian a ngai tlat bawk. Krismas hi a ropui thei ang bera lawm chu a phu teh meuh mai. Chutih ruala ngaihtuah ngun ngai tak chu – kan thlarau thatna tûr a ni em, Pathian duh dân a ni ang em, tih hi ni fo sela.

Krismas tobul chu – Pathianin khawvêl a hmangaih êm êm a; chutichuan, a Fapa mal neih chhun a pe a (Jn 3:16), tih hi a ni. Khawvêl suala tlu tawh tungding leh tûra Lal Isua khawvêl a lo pian ni, mihring zînga a lo chên tan ni hi kan ngaihlua a, **Krismas Ni** tiin kan lâwm a ni. Suala tlu tawh mihring, Pathian lama nun nei loten nunna êng an neih lehna tûra inpein, Isua Krista chu khawvêl a lo kal a, chhandamna hna hlen chhuak tûrin a rawn inpe a, “Thim zîngah leh thihna hlima thute ên tûr leh, thlamuanna kawnga kan ke pêntîr tûrin,” tiin Lk 1:79-ah kan hmu a ni.

Krismas thuchah chul thei lo chu – mi dangte tâna inpêk, mamawhtute hnên thlenchilh, mi harsate, rethei zâwkte, damlote, lungngaite, tlachhamte thlenchilha an mamawh phuhrûksak hi a ni a, “Krista pawh chuan mahni lâwmna a zawng si lo,” (Rom 15:3) tih ang khân, mi dang thatna tûra inpêk, chêt chhuah, luan chhuah hi Krismas thuchah lairil chu a ni.

Krismas hunah hian hlim kan duh, lâwm kan duh. A tha e. Hlim leh lâwmna, kan hrawk tlaina tûra mahni inhaivûr chiam aiin mi dangte tân kan inpêkna hian nun a tihlim a, lung a tiawi a, lâwmna min pe thûk zâwk fo. A chhan chu – Krismas thuchah nung reng a nih vâng a ni thei ang. Chutih rualin, kan thil tha tihthe puangzâra, fak hlawh duh vânga inpho chhuah kher erawh a tûl ber lo tih hria ila.

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund aţangin hetiang hian chhawmdawlina pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Bûngtlâng Bazar Vêng	Vânduaina tâwk	6	₹50,000	Tuipuibari	In kâng	1	₹10,000
Sâmthang	Damlo	1	₹8,000	Marpara North	In kâng	1	₹10,000
Biate	Damlo	1	₹8,000	Khuanglêng	Damlo	1	₹8,000
Khawbung Vêngpui	Damlo	1	₹8,000	Hortoki	Damlo	1	₹8,000
Chhingchhîp Vênglun	Damlo	1	₹8,000	Phûlpui	Lei min tuar	1	₹8,000
Zêmabâwk North & East	Damlo	4	₹32,000	Dârlung	Damlo	1	₹8,000
Chhiahtlâng Vênglun	Damlo	1	₹8,000	Vaivakâwn Vêngthlang	Damlo	1	₹8,000
Hnahlan leh				Zokhawthiang	Khawsak harsa	1	₹8,000
Hnahlan Vêngthlang	Vânduaina tâwk	4	₹20,000	Hlimen	Damlo	1	₹8,000
Falkland	Damlo	2	₹16,000	Ngûr	Damlo	1	₹8,000
Rângvamual	Vânduaina tâwk	1	₹10,000	Kawrtethawveng	Damlo	1	₹8,000
Siahatla	Lei min tuar	1	₹10,000	Hnahlan	Damlo	1	₹8,000
Kolasib Hmâr Vêng	Lei min tuar	1	₹10,000	N. Khawdungsei	Khawsak harsa	1	₹8,000
Maubâwk	Damlo	1	₹8,000	Rûllâm	Vânduaina tâwk	1	₹10,000
Mualkawi	Damlo	1	₹8,000	Chhingchhîp Mualpui	Lei min tuar	1	₹10,000
Phuaibuang	Damlo	1	₹8,000	Phainuam	Khawsak harsa	1	₹8,000
Bûngzung	Damlo	1	₹8,000	Sêrchhip Bazar Vêng	Damlo	2	₹16,000
Seling	Damlo	1	₹8,000	Zohmun Kâwnzâr Vêng	Damlo	2	₹16,000
Nâlzawl	Khawsak harsa	1	₹8,000	Sumsuih	Lei min tuar	1	₹10,000
Phainuam	Damlo	1	₹8,000	Mêlkâwn, Ratu	Damlo	1	₹8,000
Republic Vêng	Lei min tuar	1	₹10,000	Tuirial leh Tuirial Airfield	Vânduaina tâwk	13	₹1,28,000
Chhingchhîp Vênglai	Tui lian tuar	1	₹10,000	Dârlawng,			
Aibâwk	Damlo	1	₹8,000	Tlungvêl Vêngthar	Damlo	1	₹8,000
Saitual	Damlo	1	₹8,000	Electric Vêng	Damlo	1	₹8,000
Tuidam	Damlo	1	₹8,000	Khuangphah	Damlo	1	₹8,000
Tumpânglui	Rualbanlo	1	₹5,000	Airfield	Damlo	1	₹8,000
Zêmabâwk North, South, East leh				Sairâng Dinthar	Damlo	1	₹8,000
Field Vêng	Damlo	6	₹48,000	Kângmun South	Damlo	1	₹8,000
Thinglun	Damlo	2	₹16,000	Tanhriil	Damlo	1	₹8,000
Tuiţha Vêng	In kâng	1	₹10,000	Vaitin Vêngthar	Damlo	1	₹8,000
Chawnpui Vêngthlang	Lei min tuar	1	₹10,000	Hortoki	Damlo	1	₹8,000
				Sairâng Dinthar	Damlo	1	₹8,000

RAWNGBAWLNA HNA RUAK DIL THEIH

Mizoram Presbyterian Kohhran hnuiaia thawk tûrin a hnuiaia hnate hi a ruak a, kum 18–35 inkâr, ni 13.12.2022-a kum 18 tling, kum 35 la pumhlûm lo, zûk leh hmuama fihlîm, Presbyterian Kohhran mi tân dîl theih a ni. Hna dîlna form chu ni 10.11.2022 (Ningani) aţangin Synod Office (Aizâwl leh Lunglei)-ah lâk chhuah theih a ni. Dîlna chu Synod Office, Aizâwlah theh luh tûr a ni a. Application form hi ₹20/- man a ni. Hna dîlna form-ah hriat tûr pawimawh tihlan a ni.

1. Synod Multipurpose Training Centre-a thawk tûr

Hna hming	: Instructor – Post 2
Trade hming	: 1. Electric Wiring & Repairing 2. Welding & Fabrication
Thiamna	: HSLC with Diploma in concern trade
Hlawh	: SMTC hnuiaia Contract Instructor hlawh

2. Synod Mission Board-a thawk tûr

Hna hming	: Missionary – Post 50
Thiamna	: Class VIII Certificate holder leh a chung lam
Hlawh	: Synod hnuiaia Contract Missionary hlawh

3. Synod Rescue Home-a thawk tûr

Hna hming	: Peon – Post 1
Thiamna	: Class VIII Certificate holder
Hlawh	: Synod hnuiaia Contract Peon hlawh

Dil theih hun chhûng	: Ni 7.12.2022 (Nilaini) 2:30 p.m. thleng
Screening Test/Exam	: Ni 8.12.2022 (Ningani) 10:00 a.m.
Interview	: Ni 13.12.2022 (Thawhlehn) 7:00 a.m.


(REV. C. ZORAMMAWIA)

Secretary, Synod Service Board, Synod Office, Aizâwl

Râl Vêngtu

Mi thenkhat hi Râl Vêngtu hnênah a thurawn ngaichâng tûrin an lo kal khâwm a. "Râl Vêngtu, hei Krismas a lo hnai ta a. Krismas hi engtia hman nge tha ber ang? Engtin nge kan inbuatsaih ang?" tiin an zâwt a.

Râl Vêngtu chuan, "Khaw dang tlawh hauh lovin Bethlehem pan ding nghâl ang che u," tiin a chhâng a.

Mite chuan, "Râl Vêngtu, i thu min râwn chu a va tawi ve! Eng nge a awmia min han hrilhfiah teh," tiin an zâwt leh a.

Râl Vêngtu chuan, "Khawchhak mi finge kha, Bethlehem pan ding lovin Jerusalem-ah an kal hmasa a, a hnuah nausên tam takin an thih phah a, thahna a thleng a ni kha. Berâmpute chuan Bethlehem an pan ding nghâl chat a, Nausen Isua an va hmu a, an lâwm hle a, tu mân an tuar phah ve lo tih in hre lo'm ni? Nangni pawhin Krismasah hian Nausên Isua chu chibai bûk in duh naa, hlimhlawp bâwlina khawpui te, nawmchenna khawpui te, ruai thehna leh thil thar neihna hmun te in tlawh hmasa thîn a, in thlen tumna thleng hman lo leh in hmuh tum hmu hman lovin Krismas in hmang liam leh fo thîn a nih hi.

"Hei kum hnih chhûng chu Covid hripui lêng avângin Krismas in hmang tha thei tawh lo lehngâl a; chuvângin, in rilrua khaw dang hawi hauh lovin, Bethlehem khaw lam pan ding nghâl chat ang che u," a ti ta a.

Mite chuan, "Râl Vêngtu, i thu min râwn chu hriat reng kan tum ang e. Hlim kan duh luatah kan hlimna ber tûr thleng lo leh hmu lo hian Krismas kan lo hmang fo a nih chu. A hnuah hrehawm kan ti leh viau thîn rêng a ni," an ti a. Krismas hmang tûrin an tîn darh ta a.

LUNZARHTUM KOHHRAN TÂNPUI : Mission Vêng Kohhran chuan Synod 2019 thurêl 'Kohhran tê leh harsa zâwkte tânpu (dâwm chhuah)' programme bawhzuiin, ni 14–16.11.2022 khân Lungzarhtum Kohhran tlawhin lamkal an intîr a. Lungzarhtum Kohhran mamawh hmasa thawhna atân ₹5,00,000 (Chêng nuai nga) an hlân.

SYNOD HOSPITAL, DURTLÂNG THILPÊK DAWNTE

(October 2022)

I. CHARITY FUND

1. West Phailêng Dinthar Kohhran	₹ 8,120
2. Lungmual Kohhran, Aizâwl	₹ 50,000
3. Pu Lalhmachhuana fanu, Scholarship a dawn aţangin	₹ 2,000
4. Lalruatkimi Hnamte, Tlungvêl Field Vêng	₹ 1,000
5. Sairâng Kohhran	₹ 30,000
6. F. Lalţanpuia, Champhai Vênglai	₹ 1,000
7. Lalruatkimi Hnamte, Tlungvêl Field Vêng	₹ 1,000
8. Sacrament Department, Chawnpui Vêngthlang Kohhran, Aizâwl	₹ 1,500
9. KTP, Durtlâng Pastor Bial	₹ 20,000
10. Thupui Bial Kohhran Hmeichhia	₹ 20,000
11. Bhavya Enterprise, Delhi	₹ 1,500

II. GRACE HOME TANA PETE

1. Bûngkâwn Kohhran Hmeichhia, Aizâwl	₹ 20,000
2. Zonuam East Kohhran Hmeichhia, Aizâwl	₹ 10,000
3. Thupui Pastor Bial Kohhran Hmeichhia	₹ 20,000
4. Ramhlun Vênglai Kohhran Social Front Committee	₹ 10,000

III. THISEN PETUTE

	Unit zât
1. KTP, Laipuitlâng Branch	54
2. KTP, Bethlehem Vêngthlang Branch	45
3. KTP, Dâwpui Vêngthar West Branch	28
4. KTP, Dâwpui Vêngthar Branch	51
5. KTP, Hnahlan Branch	17
6. KTP, College Vêng Branch, Aizâwl	30
7. KTP, Republic Vêngthlang Branch	38

IV. THIL DANG PETUTE

- Pi K. Biakvêli, Ramhlun North – Damlo khum tha tak.
- Sacrament Department, Seling Kohhran – Hmunphiah 5
- KTP, Vaivakâwn Branch – ICU-a damlo awmpuitute chhiar tûr Bible, lehkhahu dang 4 leh a dahna (rack).
- KTP, Bûngkâwn Branch, Aizâwl – Radiology & Imaging Unit tân Working Table pakhat (₹28,250/- man).
- Dr B. Lalramzauva & family, Zârkawt – Aluminium hmangin K. Ward Main Gate tha tak, ₹36,500/-in min siamsak.

V. PAWISA DAWN ZAWNG ZAWNG : ₹1,96,120/-

– Rev. R. Ramdinmawia, Chaplain

SOCIAL FRONT-IN CEMENT MISTIRI TRAINING A BUATSAIH

Ni 14.11.2022 (Thawhtanni) chawhnu dâr 2:30 khân Synod Social Front buatsaih Cement Mistiri Training chu Synod Committee Room I-ah khâr a ni. Cement Mistiri Training hi Oct. 19–Nov. 14, 2022 chhûng khân Synod Rescue Home, Durtlângah buatsaih a ni a. Zirtirtu atân mi thiam rual (engineer)-te rawih an ni a, mi 7-in training hi tluang takin an zo a ni.

Training khârna hun hi Pu R. Lalnun-tluanga, Co-ordinator, Synod Social Front-in a kaihrui a. Rev. Dr K. Lallâwmzuala, Executive Secretary i/c Synod Social Front-in training chhuakte hnênah certificate leh cement mistiri-te hmanraw mamawh tûr thil chi hrang hrang a hlân.

SYNOD FINANCE COMMITTEE VAWI 143-NA A THU

November ni 15–17, 2022 chhûng khân Synod Finance Committee vawi 143-na chu J.M. Lloyd Hall, Synod Office-ah a thu a; committee member 58 an kal. Committee hi Rev. Dr Vânlalngâka Râltê, Synod Moderator-in a kaihrui a, Secretary report leh Finance Officer Report ngaihtlâk a ni.

Tûn tum Synod Finance Committee-ah hian thu ngaihtuah tûr chhawp chhuah 11 a awm a, Barak Mission

Presbytery puala Budget Head hran neih rawtna te, Kristian Hla Bu mobile apps siam nân Budget Head thar siam rawtna te, Form F hmanga sum theh luhte Synod-in a khai khâwmna ziahna bu siam rawtna te, Income Tax pêkna tûr Budget Head dah chungchâng te, 2023–2024 Budget ruahmanna thlîr ho te leh Synod Finance Committee Report 2021–2022 thlîr ho te chu a langsâr zual a ni.

LAY LEADERS' TRAINING GRADUATION DAY

Synod Multipurpose Training Centre (SMTTC) buatsaih Lay Leaders' Training vawi 217-na khârna inkhâwm, Graduation Day chu ni 5.11.2022 (Inrinni) zân khân neih a ni. Training khârna inkhâwm hi SMTTC Hall-ah Rev. Lalrinthara, Programme Director-in a kaihrui a. Rev. C. Zoramawia, Senior Executive Secretary-in thuchah sawiin trainee-te hnênah certificate a hlân.

Tûn tumah hian Presbytery 4 – Aizâwl Hmâr, Aizâwl Chhim, Aizâwl Central leh Aizâwl Hmârchhak Presbytery aţangin Kohhran Upa 29 leh Myanmar (Chin Synod leh Phai Synod) aţangin Upa 7, an vaiin Kohhran Upa 36 an tel a ni. SMTTC-ah hian Kohhran Upa 7,077-in training an nei tawh a ni.

SMTTC-ah hian January 2023 aţangin trade 2 – Welding & Fabrication leh Electric Wiring & Repairing hawn thar tum a ni.



BIAK IN HMUN TUR PE

Pu K.C. Lalthanzauva, Bâwngkâwn chuan a nu leh pa (Pu Kâpthanga & Pi Malsâwmi) hriat reng nân leh an thurochhiah angin, Bâwngkâwn chuanhnuai lama an ram LSC No. 217 of 2022, (1,151.129 sq.m.-a zau) chu Biak In hmun atân Bâwngkâwn Bethel Kohhranah a pe a, kohhranhote an lâwm hle.

MSSU

Ni 19&20.11.2022 khân Rêngdîl Pastor Bialah Sunday School zirtirtu training pein Pu Lalhmunzauva Tlau, Asst. Co-ordinator leh MSSU Trainer-te – Upa H.P. Lalropuia leh Upa Hrilthansânga-te an kal.

SOCIAL FRONT

Ni 19&20.11.2022 khân Khawbung Vêngpui Bial leh Khawbung Bialah Social Front Campaign neiin Campaigner-te – Rev. Dr Lâwmsânga, Rev. Lallianmawia Pachuau, Pu R. Lalnuntluanga, Upa Dr Lalrintluanga, Upa C.H. Thangkhûma leh Upa Lalrammuana Zadêngte an kal. Ni 20.11.2022 khân Lily Vêng North Kohhranah Ruihhlo leh HIV/AIDS Awareness Campaign neiin Campaigner-te – Upa Peter Zohmingthanga leh Dr Lalchhanhima Râltête an kal.

FG&CC TRAINING LEH CAMPAIGN

Ni 12&13.11.2022 khân Tuipuibari Bialah Kohhran Committee Leadership Training leh Kristian Chhûngkaw Campaign neiin Rev.J. Lalremsiama, Upa Lalbiakmawia Khiangte, Rev. K. Lalrammawia leh Upa H. Lalchhandama-te an kal.

NEICC WORKING COMMITTEE-AH

Rev Lalfakzuala i/c Vaivakâwn Pastor Bial chu Nov. 1-4 chhûng khân NEICC Working Committee, Shillong-ah a tel. NEICC Working Committee hian NEICC Trust Committee din te, NEICC Office Ground Floor chu Conference Hall liana siam chungchâng te, Peace Centre atâna Co-ordinator lâk tûr chungchâng leh thil dang pawimawh eng emaw zât an rêl.

CONSULTATION-AH TEL

Rev. C. Lalngaihthanga, Asst. Professor, MTC chu ni 24.9.22–2.10.22 chhûng khân World Council of Churches (WCC) leh Christian Conference of Asia buatsaih Asia Regional Consultation, Chiangmai, Thailand-ah a han tel a, PCI aṅanga palai awm chhun a ni.

RAWNGBAWLNA HNA RUAK DIL THEIH

Mizoram Presbyterian Kohhran Hmeichhiate enkawl Women Centre, Phunchawngah Puanṅhui Instructress hna mi pahni (2) tân a ruak a. Presbyterian Kohhran dân chhûnga awm, Centre-a awmchilh thei tân dil theih a ni. Dilna form hi Kohhran Hmeichhe Department, Synod Office-ah lam theih a ni ang. Dilna form la chhuak remchêng lote tân Kohhran Hmeichhe Ziaktu hnênah pdf-a thawn chhuah a ni a, hemi hmang hian online pawhin a dil theih ang. Instructress hna diltu chu Puanṅhui thiamna certificate nei, kum 5 tal puanṅhui experience nei a ni tân a ni.

Dil theih hun chhûng : December 13, 2022 (Thawhlehi) thleng
Interview : December 15, 2022 (Ningani) dâr 10:30 a.m.
A hmun : Synod Committee Room-I, Synod Office
Dilna thawna tûr : 9862306787 / 8731000964

Sd/-

(REV. V.L. LUAIA HRANLEH)
Executive Secretary i/c Kohhran Hmeichhia

ADVERTISEMENT

Synod Canteen, Mission Vênga mi chu kum 2023 chhûnga luahtu tûr mamawh a ni a. Dilna chu ni 12.12.2022 thleng, office hun chhûngin menu felfai tak nê Synod Office Trust Department-ah theh luh theih a ni.

Interview : Ni 19.12.2022 (Thawṅṅanni) 11:00 a.m.
A hmun : Synod Committee Room-I

Sd/-

(REV. C. ZORAMMAWIA)
Senior Executive Secretary i/c Synod Trust

ADMISSION NOTICE

Presbyterian Hindi Bible School, Bâwngkâwn, Aizâwlah Certificate in Theology (C.Th.) Batch 70-na (January 13–16 June, 2023)-a zir duhte tân dil theih a ni leh ta e. Dilna chu plain paper-ah ziakin Principal, Presbyterian Hindi Bible School hnênah January ni 12, 2023 thleng theh luh theih a ni.

Hriat tûrte

1. Diltu chu Class VII pass chin, Hindi (ṭawng leh ziaik leh chhiar) a thiam ngei tûr a ni.
2. Kohhran dânzawhkim a ni tûr a ni.
3. Kohhran/Fellowship hriatpuina lehkhâ thil tel tûr a ni.
4. Diltu chu natna benvawn nei a ni tûr a ni lo.

Zir tûrte chuan hêngte hi intum tûr a ni:

1. Formal dress with shoes (Inkhâwm thawmhaw)
2. Mutbu (Mattress a ngai lo vang)
3. Exercice bu 10, pen, pencil leh tûl dangte
4. Bucket leh no
5. Hindi Holy Bible, Stuti Geet leh Sangati S.S. zirlaibu
6. Torch-light leh nihliap
7. Passport size photo – 1 no.

Zir hun chhûng : 13 January–16 June, 2023
Dil theih hun chhûng : January ni 12, 2023 thleng
Interview hun : Ni 13.1.2023 (Zirtâwpni) dâr 11:30 a.m.
A hmun : Principal Office, Presbyterian Hindi Bible School, Bâwngkâwn

Sd/-

(REV. ZOCHHUANMAWIA)
Principal
Presbyterian Hindi Bible School, Bâwngkâwn

SYNOD NEWSLETTER HRIATTIRNA

Kohhran chhûngkaw tina a thlâwna sem Synod Newsletter hi kum 2012 April thla aṅang khân multi colour-a chhut a ni a. Amaherawhchu, Synod Press-in multi colour-a a chhut theih loh avângin hmun dangah chhuttîr ṭhin a ni a. Heti a nih avângin hian a hun taka chhuah theih loh châng leh a fiahfai tâwk loh châng a awm ṭhin. Hei vângin hian Synod Executive Committee chuan Synod Press-a chhut theih tûr in black & white-a tihchhuah leh mai ni se, tiin a rêl a (SEC 298:118 of Nov. 8–9, 2022). Chuvângin, January 2023 aṅang chuan black & white-in a chhuak leh tawh dâwn a ni tih kohhranhote kan inhriattîr a ni e.